

Tutu ni chaa Pablo nuu Tito

¹ Ru'u Pablo, junukuachi ri nuu Yandios, chi maa ya kuu ja ta'u jniñu nuu ri. Ti Jesús, ya kuu Cristo, ni nakaji ya ru'u ja na kuu ri apóstol nuu ya. Sia'an ni tatu ya jniñu ja'a nuu ri, ja na stuu ri jnu'un ya nuu yívi ni nakaji ya ja na kandixia i Jesús, ti nava na nakuni yívi un nasa kuandatu i nuu jnu'un Yandios, ti nava sia'an na kaka ndaa i jiin jnu'un ya nuu ñuyívi.

² Na kandixia ndaa i jnu'un un chi sia'an ni chisojnu'un maa Yandios ja nu na nakuni i jnu'un ya, ti nukoyo i nuu andívi, ti yukan kunchuku i ja kuu taka kívi. Sia'an ni kachi ya undi na ti xnukoo ga ya ñuyívi. Chi Yandios kuu Yandios, ti tu xnda'u ya nava ni chisojnu'un ya nuu yo.

³ Vijna ti ja ni kundaa kívi un nava ni kachi ya ja stuu ya jnu'un Jito'o Jesús, ya kuu Cristo, ya ndiso jniñu ña'nu nuu maa ya. Ti yukan kuu jnu'un ka'an ri taka ñuu vijna, chi sia'an ni tatu ya jniñu ja'a nuu ri. Ti maa Jito'o kuu ya kencha kuachi yo ti kaku yo nuu iin nundo'o kii nuu yo.

⁴ Ti chaa ri tutu ja'a nuu ra Tito, chi kuu ra nanu iin se'e ri síki ja iin nuu ni ka kandixia yo Cristo Jesús. Ti kuni ri ja Tata yo Yandios jiin Jito'o Cristo Jesús, na chindee chituu ya ro'o, ti na kunda'u ini ya maa ra, nava na kukuee kuncha ra nava iyo ichi maa ya.

Nava koo jniñu sa'a Tito ñuu Creta

5 Ni xndoo ri ro'o nuu isla Creta yukan ja na sinu ndi'i ra taka ga jniñu kumani ja na kundaa. Ti suni ja na nakaji ra taka chaa kundiso jniñu ña'nu nuu yiví ka kandixia kanchuku taka ñuu ka iyo nuu isla un. Chi sia'an ni tatu ri jniñu un nuu ra.

6 Ti taka chaa kundiso jniñu ña'nu nuu yiví ka kandixia un, na kaka ndaa da nava tu kankuachi yiví siki da. Ti na koo iin ni ñasi'i da. Ti taka se'e da na kuu i suchi kandixia, nava tu ka'an yiví siki i ja ka kuu i suchi ni'in ini, xi ja kanda kua'an kanda vaji i.

7 Ti taka chaa kuña'nu nuu yiví ka kandixia un, kuni ja na kaka ndaa da, chi kundiso jniñu da nuu maa Yandios. Koto kuu ichi ini da nuu taka jniñu, ni tu kuu da iin chaa ni'ní xini ja na kuiti yachi ini da, ni tu kuu da iin chaa ji'i ndixi, ni tu kuu kanaa da jiin yiví, ti koto kuñukuu ini da ja na xnda'u da yiví nava na ni'in da xu'un.

8 Su'va na kuu da iin chaa kava nda'u ini jiin yiví ka kandixia, nu ka jikonuu yiví, ti na kua'a nuu da ve'e nuu kendo yiví un naa i. Suni na kuu da iin chaa va'a ja na kunda'u ini nuu inga yivi. Na kuu da iin chaa va'a, iin chaa yiñu'un ja na kundandikun da nuu ichi Yandios. Ti na kunchañu'un ndaa kuiti da maa Yandios, ti sia'an na kuu da iin chaa tu kinikava nuu kuachi.

9 Na kuu da chaa kandixia ndaa maa jnu'un Jesús jiin ni ini ni aña da, chi yukan kuu maa jnu'un Yandios ja ka'an ndaa ti tu kuu xnda'u yo. Yukan kuu ja iin chaa sia'an, na xndaku da jnu'un un nuu sava'ni ga yiví. Mani jnu'un Yandios kuu ja ni'in ga na xndaku da nuu yiví ka ka'an ndeva'a, ti sia'an na sa'a da undi na kiví ini yiví un nasa kuni

ka'an jnu'un Yandios, nava tukaa siin da nava ka ka'an da.

¹⁰ Kuni ja na nduku ra chaa va'a ja na kundiso jniñu ña'nu un, chi ka iyo kua'a xaan yívi ni'in ini vijna, ti tu ka jandatu i nuu jnu'un Yandios. Suni ka iyo kua'a xaan yívi ka ka'an jnu'un ñaa ja tu nijniñu, ti ka xndoña'an i uu ga yívi. Ti chaa ni'in ga ini un ka kuu chaa Israel, chi ni ka kandixia da Jesús, ko siki ja ka kuu da chaa Israel, ti ni ka nduvixi ini da, ka ka'an ndeva'a da.

¹¹ Ko chaa kundiso jniñu ña'nu nuu yívi ka kandixia un, na kasi da yu'u chaa ka ka'an sia'an un nava tukaa ga xnda'u da yívi nu ni ka ndututu i naa i. Hin jniñu kanuu kuu ja kundiso chaa kuña'nu un, chi chaa un kuu ja xndaku nuu yívi ka xndoña'an un, ja nanu ka xnda'u ndi'i da yívi ini ve'e da jiin jnu'un ka ka'an da un. Ti jiin jnu'un ka xnda'u da un ka kuni da ni'in ka'a da ru'u. Yukan kuu ja chaa kundiso jniñu un, na kasi da yu'u chaa ka xnda'u un naa da.

¹² Ti iyo hin maa chaa isla Creta un ja ka'an da jnu'un ii ja kuu santu ñuu da un (ti jnu'un ka'an da un tu kejna'an jiin maa jnu'un Yandios), ti ka'an da nasa kanchuku yívi ñuu da un, ti ni kachi da: Yívi Creta, mani yívi ka xndoña'an ka kuu i. Ka kuu i nanu yívi yuku, chi mani ka nduxaan da. Tu ka sa'a da jniñu chi kuxi xaan da, ko ka jajna'an ini da kaji xaan da.

Ni kachi da.

¹³ Ti jandaa ndixia kuu jnu'un ni ka'an chaa un. Ja yukan kuu ja siin xndaku ni'in ra nuu yívi ka kandixia ñuu Creta un, nava tukaa kandixia i jnu'un xndoña'an un naa i, ti na kandixia ndaa i jnu'un Yandios nava ka'an siki Jesús.

14 Sia'an xndaku ra nuu i nava tu ka sa'a i nava nuu jnu'un ka ka'an chaa Israel un, chi ka ka'an da nava ka ndaku ini maa da siki taka jnu'un da ja na kendo ndoo da naa da, chi ni ka nandeokava ini da nuu ichi Yandios.

15 Ko ja jiin jnu'un yukan, ti tu kuu kencha kuachi yo. Su'va na kondoo aña yo jiin jniñu ni sa'a Jesú. Ko yivi ka kuni siin jiin jnu'un yukan, ka chakuachi ga i inijnuni i. Chi ja ndo'o ini aña i kuu ja na sa'a ga i kuachi. Ko yivi ka iyo ndoo inijnuni, ti ka iyo ndaa ini i kuanta'u i sava'ni ga ja kii nuu maa Yandios.

16 Su'va ka ka'an yivi ka siuku jnu'un jana'an, ka ka'a i ja ka kandixia i Yandios, ko jiin jniñu kue'e ka sa'a i un, ti jini yo ja tu ka siuku ndaa i, chi ka jito u'u jna'an i, ti ni'in ini i, ti tu kaxaan ni iin jniñu ka sa'a i. Yukan kuu ja ni'in na xndaku ra nuu yivi un naa i.

2

1 Su'va sa'a ra Tito, koto xna'an ra nava iyo jnu'un un, chi su'va xna'an ra iin jnu'un na ke-jna'an jiin maa jnu'un Yandios.

2 Ti sia'an xndaku ra nuu velu ña'nu naa da ja na kaka yiñu'un da jiin jnu'un ndaa, ti tu sa'a ndeva'a da ja ko'o da ndixi. Ndoo na koo ini da nava ni ka kandixia ndaa da jnu'un Yandios siki Jesú. Na kuu ini da nuu Yandios jiin nuu ñani jna'an da, ti na kukuee kaka da nuu ichi Yandios.

3 Suni sia'an xndaku ra nuu vela ña'nu un naa ña nava na kava yiñu'un ña jiin jnu'un Yandios. Koto ka'an ña siki ñani jna'an ña. Tu ko'o ña ndixi. Na kuu ña iin ña'an nakani ichi yivi naa i ja ka sasi'i ña maa ña,

4 Ti nava yukan na nde'e ti na kotonchaa ña'an kuachi un naa ña. Na kuu ini ña nuu yiñu ña, ti na kunda'u ini ña ja tu sa'a ña ni iin jniñu kue'e.

5 Na koto va'a ja iyo ini ve'e ña, ti na kuandatu kuansu ña nuu yiñu ña. Nu sia'an na kuu taka yukan, ti ni iin yiñi tu ka'an ndeva'a i siki jnu'un Yandios.

6 Ti suni sia'an xndaku ra nuu taka chaa suchi naa da ja na kava yiñu'un da.

7 Ti maa ra Tito, kaka yiñu'un ra nuu ichi Yandios, ti na nde'e na kotonchaa chaa kuachi un naa da NASA jika ndaa ra ichi Yandios. Ti kaji xaan xndaku ra jnu'un Yandios jiin ni ini ni aña ra, ti na chaku ini yiñi ka ñuso'o NASA kuni ka'an jnu'un un.

8 Jnu'un Yandios kuu ja kanuu xaan ga ja na xndaku ra, chi yukan kuu maa jnu'un ndaa ja tu xnda'u. Nu sia'an na sa'a ra, ti tu kuu ka'an ndeva'a yiñi siki jnu'un un. Ti nava sia'an na kukanuu yiñi ka ka'an ndeva'a siki jnu'un un, chi tukaa kuu chakuachi i siki yo.

9 Xndaku ra nuu taka muzu ka kandixia un (muzu ja tu ka kin ya'u) na kava yiñu'un da. Ti na kuandatu da nuu jito'o da sava'ni ga jniñu na ta'u nuu da, chi tu va'a ja sani'in ini da. Ni tu kuu nachiso da iin jnu'un nuu chaa un, chi su'va na kava va'a ini da.

10 Koto sakui'na da ni iin ndajniñu nuu da. Chi su'va na kava yiñu'un da naa da, ti vii na sajniñu da, konu'un na kava ini da, nava na kuni chaa un ja chaa ndaa ka kuu da, ti sia'an na kuni da ja vii xaan xndaku jnu'un Tata Yandios, chi maa ya kuu ja ni nama yo'o ti nanita'u yo nuu ya.

11 Sia'an kunchuku ndaa ra nuu Yandios naa ra, chi maa Yandios ni kunda'u ini ya, ti ni taji ya

Se'e ya Cristo Jesú斯 nuu ñuyiví ja ni kii kencha ya kuachi yo nava na nita'u yo. Ti tu ni iin jniñu ni sa'a yo ja kencha yo kuachi yo, chi maa Yandios kuu ja ni kunda'u ini ya yo'o ti ni kencha ya kuachi yo ja na nita'u yo.

¹² Ko jiin jniñu ni sa'a Yandios un chaku ini yo nasa kunchuku yo nuu ñuyiví ja'a. Chi nu na kandixia yo maa jniñu sa'a Yandios, ti tu ka yisikinchaa yo Yandios jiin jniñu kue'e ni ka sa'a yo undi nuu. Ko vijna na kava yiñu'un ini yo ti na sa'a yo nava kachi maa Yandios. Tukaa kundio ini yo ja sa'a yo sava'ni ga inga jniñu kue'e. Chi su'va ni'in na kundikun yo jiin jnu'un Yandios. Ti na kondo'o va'a ini yo nuu tako jniñu sa'a yo nuu ñuyiví ja'a, ti ansu ja kava nde'e yo. Undi nuu tu ni ka siuku ndaa yo nuu Yandios, ko vijna ti na chiñu'un yo jnu'un ya.

¹³ Na kundatu yo undi kiví na nchaa Jito'o Cristo Jesú斯 tuku, chi ja kuu kiví na nchaa ya, ti nchaa ya jiin iin jniñu ña'nu xaan ga. Ti ni tu'u nuu ñuyiví stuu ya ja ni nduña'nu xaan ya. Ja yukan kuu ja jiin ni ini ni añu yo na kundatu yo. Ti kiví un kuu iin kiví ja koo sii ga ini yo, chi nchaa maa Jito'o Cristo Jesú斯, ja na nama ya yo'o, chi maa Jesú斯 kuu Yandios ja kuña'nu ga.

¹⁴ Sia'an na koo sii ini yo kundatu yo, chi maa Cristo Jesú斯 ja ni soko ya maa ya na ni nakua'a ya maa ya, ti ni ji'i ya nda'a cruz ja ni nama ya yo'o nuu kuachi yo. Ti undi kiví un tukaa sani'in ini yo nuu Yandios, ja ni nama ya yo'o nava na kondoo añu yo nuu ya. Chi nu na jaa kiví na ndiví yo nda'a ya, ti tukaa ga ki'in yo nava kuni maa yo, chi yukan na ti kuandatu yo nuu maa Jito'o Cristo Jesú斯, ti ni

ini yo sa'a yo taka jniñu va'a ja kuu nuu ya.

¹⁵ Ti yukan kuu jniñu ja xndaku ri nuu ra Tito, ti sia'an siin ra xna'an ra jnu'un un. Ko va'a xaan xndaku ra nava na kua'a ra jnundee ini sava yivi ka kandixia un. Ti nuu uu ga yivi ja tu ka kandixia un, kuni ja na xndaku ni'in ra nuu i undi na kivi inijnuni i nasa kuni ka'an jnu'un ya, nava tukaa siin i jiin jniñu kue'e un. Yukan kuu ja sa'a ra chi yukan kuu jniñu ndiso ra. Ti siki jniñu ra tu kua'a ra jnu'un ja na nduvixi ini yivi, ti kuña'nu i nuu ra.

Na kuandatu yivi ka kandixia

3

¹ Tito, taka jnu'un ja'a ndakuni'in ra nuu chaa un, ti xndaku ra nuu da ja na kava yiñu'un da nuu chaa ka kuña'nu un jiin suni chaa ka ndiso jniñu ve'e stisia un. Ti na kuandatu va'a da vasu sava'ni ga jniñu na ta'u chaa ña'nu un nuu da.

² Koto ka'an ndeva'a da siki iin iin chaa ña'nu ja ka kuu stisia un, jiin taka ga yivi, ni tu kanaa da naa da. Ti sia'an na kukuee kunchuku da. Kuee na koo ini da ti na kava nda'u ini da jiin taka ga yivi.

³ Chi suni yo'o naa yo na undi nuu suni ni ka kuu yo yivi ni ka sa'a ndeva'a, ni ka sa'a yo sava'ni ga jniñu kue'e. Ko ni maa yo, tu ni chaku ini yo na jniñu ka sa'a yo, chi tu ni ka jandatu yo nuu ni iin jnu'un, ti ni nuu maa Yandios, ni nuu chaa ña'nu tu ni ka jandatu yo. Chi ni ka sana yo ni ka jikonuu yo, ti ni ka yi'i yo jiin tendi'i nuu kuachi ja ni ka kuu ini yo. Kue'e ni ka kunchuku yo, ti ni ka jajna'an ini yo jnu'un kuasun ini. Ni ka jito u'u yo Yandios, ti suni ni ka jito u'u jna'an yo jiin ñani jna'an yo.

4 Sia'an ni kunchuku yo undi nuu, ko ni ndunda'u ini Yandios ti ni nama ya yo'o, chi sia'an ni kuu ini maa ya ja sa'a ya jiin yíví naa i.

5 Sia'an ni nama ya yo'o, ko ansu ja va'a ni ka sa'a yo, chi maa ya kuu ja ni ndunda'u ini ya yo'o. Ni nama ya yo'o ti ni nasandoo ya maa yo jiin Espíritu Santo ja na ndundoo yo naa yo nanu ja ni ka nakaku jaa yo, nava tukaa kinda'a kuachi un yo'o.

6 Jito'o Jesús, ya kuu Cristo, kuu ya ni sa'a iin jniñu ña'nu ja kuu yo'o naa yo. Ti maa Yandios ni ja'a Espíritu Santo nuu yo ja na chindee chituu ya yo'o. Na ti sa'a ga Jesús iin jniñu ña'nu un, tuja'i ni'in yo Espíritu Santo naa yo, ko vijna na ti ja kancha ya jiin yo.

7 Sia'an na ti ja ni ja'a ya Espíritu Santo nuu yo nava tu naa ini yo ichi ya ti na ni'in yo yaji yo, ti kuncha yo jiin ya nuu andivi ja kuu taka saa ni. Ni'in yo yaji yo nuu ya chi ni ndunda'u ini ya yo'o. Ni kachi ndaa ya ja tukaa kankuachi ya siki yo. Sia'an ni kunda'u ini ya yo'o ko ansu ja va'a ni ka sa'a yo.

8 Taka jnu'un un kuu maa jnu'un ndaa kuiti. Ti jnu'un yukan kuu ja xndaku ra nuu yíví ka kandixia un. Ti koto ka'ncha ini ra ja xndaku ra jnu'un un, nava yíví ka kandixia Yandios, na kuanukuachi i jiin niña jniñu va'a ja kuu nuu inga yíví, chi jnu'un va'a un kuu ja kuu tendí'i yo.

9 Tito, sia'an xndaku vii ra nuu yíví ka kandixia un nava tu kíví nduu da jiin jnu'un ja tu nijníñu un, chi tu kejna'an iin nuu jnu'un un jiin jnu'un Yandios. Ni tu chunso'o ra jnu'un chaa Israel jana'an un, chi chaa un ka ka'an da ti ka kanaa

da jnu'un ina. Suni tu va'a nu na kiv'i nduu ra jiin yiv'i ka kanaa siki ley Moisés, chi ni tu nijniñu kuiti un, so ka ka'an maa da. Ko ni maa da naa da tu ka chaku ini da na jnu'un kuu.

¹⁰ Tu ka'ncha ini ra ja xndaku ni'in ra nuu chaa ka ka'an ndeva'a un, chi jiin jnu'un ka xndoña'an da un ka sasiin da chaa ka kandixia. Ko xndaku ni'in ra iin xi uu jinu nuu da nava na kiv'i ini da nasa kuni ka'an jnu'un Yandios, nava tukaa siin da nava ka ka'an da. Ko nu tu ka chunso'o da, ti sia da na ki'in da, ti tukaa kua'a ra jnu'un ja najna'an da jiin ra naa ra.

¹¹ Chi jiin jniñu sa'a da yukan ni ti kuni ra ja kuu da iin chaa ndava ini, chi tu kiv'i maa jnu'un ndaa un inijnuni da. Yukan ti jiin maa kuachi sa'a da un ni jna'nu ndatu da.

Jniñu xndaku Pablo nuu Tito

¹² Nu na taji ri Artemas xi Tíquico jaa da, ndukundee ti kii ra undi Nicópolis ti yukan ndejna'an yo, chi ni ndo'o ini ri ja yukan kin sia'a ri vilko ñuu.

¹³ Ko jikanta'u ri nuu ra ja na chindee ra Zenas, chaa ka'an ja'a yo yo jiin Apolos, jiin tako ja ka nandi'i da ja kuu ichi da nava tundo kumani nuu da.

¹⁴ Sia'an na kotu'va tako ñani jna'an yo yukan, ja na chindee nuu jna'an da naa da nu iyo ja ka nandi'i da, nava na kunukuachi va'a nuu jna'an da naa da, ti ansu ja na kunchuku da jiin jnu'un ja tu kuajniñu.

Sandi'i ni ga jnu'un ndee ini

Tito 3:15

x

Tito 3:15

15 Taka yiví kanchuku jiin ri ja'a ka kanxia'u i ja na sandee ini ra. Ti ro'o Tito, kanxia'u jiin taka ñani jna'an nda'u yo ja ka kandixia yukan. Na kuu ga ini maa Yandios, ti na chindee chituu ya ro'o naa ra. Sia'an na koo.

**Nuevo Testamento en mixteco de Yosondúa
New Testament in Mixtec, Yosondúa (MX:mpm:Mixtec,
Yosondúa)**

copyright © 1988 Wycliffe Bible Translators, Inc.

Language: Mixtec, Yosondúa

Translation by: Wycliffe Bible Translators, Inc.

Mixteco, Yosondúa [mpm], Mexico

Copyright Information

© 1988, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Yosondúa

© 1988, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
28a989a2-bd36-59ff-b10d-452e0cb74797